

Speransa Indestruktibel

Les 7 di kuartaal 3, aña 2022

Les a pa e siman aki:

Hab. 1:1-4, Job 38-41, Isa. 41:8-14, Yer. 29:1-10, Hebr. 12:1-13

TEKSTO PRINSIPAL:

"Anto e speransa ei no ta defraudá nos, pasobra Dios a drama su amor den nos kurason pa medio di Spiritu Santu ku El a duna nos" (Romanonan 5:5).

Speransa Indestruktibel

sabbat, 06-08-2022

Ora nos ta den iglesia rondoná pa hende ku sonrisa, kon fásil ta pa papia i kanta tokante speransa. Pero ora nos haña nos mes den e krisol, speransa no ta parse asina fásil semper. Miéntas sirkunstansia ta primi rondó di nos, nos ta kuminsá kuestioná tur kos, partikulannente e sabiduría di Dios.

Den un di su bukinan, C. S. Lewis ta skirbi tokante un leon fingí. Un hende ku ker a topa ku e leon akí ta puntra si e ta seif. Nan ta bisa e persona ku e no ta seif, "pero e ta bon".

Aunke nos no ta komprendé Dios semper i E ta parse di ta hasi kosnan inimaginabel, esei no ta nifiká ku Dios ta kontra nos. Simplemente e ta nifiká ku nos no tin e kuadro completo ainda. Pero nos ta lucha ku e idea ku pa nos tin pas, konfiansa, i speransa, Dios mester ta komprendibel i previsibel. E mester ta, den nos pensamentu, "seif". Komo tal, nos ta posishoná nos mes pa desapunto.

Un Bista Riba e Siman: Kon nos komprendementu di e karakter di Dios ta yuda nos mantené speransa den e krisol?

Studia e lès di e siman akí pa prepará pa Sabat, 13 di ougùstùs.

E Kuadro Grandi

djadumingu, 07-08-2022

Ora nos ta lastimá, ta hopi fásil pa presumí ku loke ta sosodé ku nos ta e úniko kos ku ta importá. Pero tin un kuadro un poko mas grandi ku djis "ami" (lesa Rev. 12: 7, Rom. 8: 22).

Les a Habakuk 1:1-4. Kiko Habakuk a enfrentá?

Kisas lo bo por spera ku Dios lo a bisa algu manera: "Esei ta realmente teribel, Habakuk; laga Mi bin i yuda bo inmediateamente." Pero Dios Su kontesta ta kontrali. E ta bisa Habakuk ku ta bai bira pió. Lesa esaki den Habakuk 1:5-11.

E asirionan a tuma Israel den koutiverio, pero Dios ta primintí ku pió ta biniendo: E babilonionan awor kore ku e pueblo di Huda. Habakuk ta keha atrobe den versíkulon 12-17, i despuesta warda pa mira kiko Dios ta bai bisa.

Kon e introdukshon di Dios na e destrukshon primintí di Babilonia den Habakuk 2:2, 3 ta trese speransa?

Habakuk 2 ta Dios Su promesa di e destrukshon di e babilonionan. Hebreonan 10:37 ta sita Habakuk 2:3, alushon di un aplikashon mesiániko na e promesa akí den futuro. Ku e mesun siguransa ku Dios a primintí e destrukshon di Babilonia, asina nos tambe tin e siguransa di e destrukshon di "e Gran Babilonia" (Rev. 18:2, Beibel Santu).

Habakuk tabata atrapá entre e gran maldat ku tabata rondon'é i Dios Su promesa di pió ku tabata bin. Sinembargo, esaki ta presisamente kaminda nos ta haña nos mes den historia di salbashon. Gran maldat ta rónt di nos, pero Beibel ta predesí ku muchu mas pió tin ku bin. E klave pa sobrevivensia di Habakuk tabata ku a tres'é pa mira henter e kuadro. P'esei, den kapitulo 3 e ta kapas di hasi un orashon inkreibel di alabansa pa motibu di loke Dios lo hasi den futuro.

Les a Habakuk 3:16-19. Kiko Habakuk ta identifká komo su motibu pa speransa? Kiko ta e speransa di e pueblo di Dios miéntras nos ta warda pa e último esenanan profétiko desplegá? Kon bo por hasi e speransa aki di bo mes?

Ken Nos Tata Ta

djaluna, 08-08-2022

Oswald Chambers ta skirbi: "Bo a bin ta puntra Dios kiko E ta bai hasi? E lo no bisa bo nunca. Dios no ta bisa bo kiko E ta bai hasi; E ta revelá na bo Ken E ta."-My Utmost far His Highest (Uhrichsville, OH: Barbour & Company, Inc., 1963), 2 di yanüari.

Kiko bo ta kere Chambers ke men ku e idea akí?

Manera nos sa, e buki di Job ta kuminsá ku un gran tragedia personal pa Job. E ta pèrdè tur kos, eksepto su bida i su kasá, i esaki ta sugerí pa e " 'Blasfemá Dios i muri numa!' "(Job 2:9). Loke ta sigui ta un diskushon ku su amigunan ta purba saka afó di kon tur esaki a sosodé. A lo largu di tur e diskushonnan akí, Dios ta permanesé ketu.

Despues, di ripiente, den Job 38 Dios ta aparesé i ta papia: " 'Ken ta esun ku ta nubla e konsepto, ku Mi ke pa hende tin di Mi, papiando sin konosementu?' "(Job 38:2). Sin tuma pouze, Dios ta puntra Job alrededor di 60 pregunta ku ta laga bo boka habri. Habri bo Beibel i skèn den esakinan den Job 38 i 39.

Despues di e último pregunta, Job ta kontestá: " 'Kiko ami, ku no ta nada, por bisa? No a keda mi nada otro ku tapa mi boka ku mi man. Mi a papia diferente be, pero awor sí no mas!' "(Job 40:4, 5). Pero Dios no ta kla. E ora ei E ta kuminsá atrobe i ta hasi un set di pregunta "grandi" tras di otro.

Les Job su kontesta final den Job 42:1-6. Kiko Dios tabata tratando na bisa Job, i kiko tabata e efekto riba dje?

Dios nunca ta kontestá niun di e preguntanan di "di kon" di e amigunan di Job. Pero Dios sí ta pinta un kuadro di Su grandesa inkomparabel manera revelá a traves di e obranan asombroso di kreashon. Despues di esaki, Job siguramente no tin mester di mas kontesta. Un kuadro aplastante di e realse di Dios a skuresé e nesesidat di splikashon.

E storia akí ta revelá un paradoha fasinante. Speransa i enkurashamentu por lanta for die realisashon ku nos sa asina poko. Instintivamente, nos ta purba haña konsuelo den sa tur kos, i asina nos ta deskurashá ora nos no por sa. Pero tin biaha Dios ta destaká nos ignoransia pa asina nos por realisá ku speransa humano por haña seguridat solamente den un Ser muchu mas grandi ku nos mes.

Kosnan ku bo no por komprendé ta tumando lugá aworakí? Si ta asina, enfoká riba e karakter di Dios. Kon hasiendo esei por duna bo e speransa ku bo tin mester pa perseverá a traves di loke pa awor ta inkomprendibel?

E Presensia di Nos Tata

djamins, 09-08-2022

"Pasobra Ami ta SEÑOR, bo Dios, Mi ta kohe bo man tene i bisa bo: 'No tene miedo, Mi ta yuda bo'" (Isa. 41:13).

Un hende a yega di bisa: "Ora Dios ta parse leu, ken ta esun ku a move?" Ora problema dal, nos ta presumí ku Dios a bandoná nos. E bèdat ta ku E no a bai niun kaminda.

Dios Su presensia tabata parse masha leu pa e hudiunan den eksilio. Sinembargo, a traves di Isaias Dios ta sigurá nan di futuro liberashon. Sinembargo, miéntras e regreso aktual na Herusalem tabata ainda hopi aña den futuro, Dios tabata ke pa Su pueblo sa ku E no a move bai for di nan i ku tabatin tur rason pa speransa.

Les Isaias 41:8-14. Kua motibu pa speransa bo por identifika pa hendenan ku ta spera ansiosamente pa futuro liberashon? Kon e promesa akí ta yuda nos miéntras nos ta warda pa nos eksilio riba tera terminá?

Un di e imágennan di mas poderoso den e versikulonnan akí, nos ta haña den Isaias 41:13. E Dios soberano di universo ta bisa ku Su pueblo no mester tin miedo, pasobra E ta esun kende ta "kohe bo man tene". Ta un kos imaginá Dios guiando eventonan riba tera for di un trono grandí, añanan di lus leu for di tera. Pero ta un kuadro kompletamente diferente realisá ku E ta serka suficiente pa tene e mannan di Su pueblo stimá.

Ora nos ta okupá, por ta difísil pa kòrda ku Dios ta asina serka di nos. Pero ora nos kòrda ku e ta Emanuel, "Dios ku nos", e ta hasi asina un diferencia. Ora Dios su presensia ta huntu ku nos, Su propósito, Su promesa, i Su poder transformador tambe t'ei.

Durante e siguiente par di dia, purba un eksperimento. Na tur momento posibel, purba kòrda bo mes ku e Dios di universo ta serka suficiente di bo pa tene bo man i personalmente ta primintí bo yudansa. Tene un registro di kon esaki ta kambia e manera ku bo ta biba. Ta prepará pa diskutí bo eksperensia den klas riba Sabat.

E Plannan di Nos Tata pa Nos

djarason, 10-08-2022

Tur hende ta buskando speransa. Pero onda ta bañ'é? Pa algun hende, ta haña speransa den e sonrisa di un amigo. Pa otronan, spe ransa ta lanta for di seguridat finansiero oí un matrimonio stabil. Unda bo ta buska speransa i kurashi normalmente?

Den e buki di Yeremias, e profeta ta skirbi na hendenan ku a pèrdè speransa den nan eksilio. "Kantu di riunan di Bábel nos tabata sinta ta yora kada be ku nos a kòrda Sion" (Salmo 137:l). Pero aunke nan kurason ta kibrá, Yeremias ta eksponé motibu pakiko nan no mester pèrdè speransa.

Kua motibu pa speransa ta duná den Yeremias 19:1-10?

Den e pasashi aki tin tres fuente importante di speransa digno di enfatisá. Di promé, Dios ta bisa Su pueblo ku nan no mester pèrdè speransa, pasobra nan situashon no ta resultado di kasualidat òf maldat inimaginabel. Pasobra Dios Mes ta bisa: " El a laga deportá [Huda] di Herusalem pa Babilonia" (Yer. 29:4). Aunke maldat ta parse di ta rondoná nan, Huda nunca a bandoná e sentro di Dios su mannan.

Dí dos, Dios ta bisa Su pueblo ku nan no mester pèrdè speransa, pasobra E por obra asta den nan difikultatnan presente. " Traha papas i prosperidat di e siudat kaminda Mi a deportá boso i resa p'e, pasobra sí bai e siudat bon, lo bai boso tambe bon" (Yer. 29:7).

Dí tres, Dios ta bisa Su pueblo ku nan no mester pèrdè speransa, pasobra E ta bai trese un fin na nan eksilio na un momento spesífiko: "I awor SEÑOR ta deklará tambe lo siguiente: 'Ora e reino di Babilonia kaba di kumpli setenta aña, Mi ta bin yuda boso; e ora ei lo Mi kumpli ku mí promesa i trese boso Herusalem bèk'" (Yer. 29:10).

Despues ku Dios ta splika kon E tabata den kontrol di nan pasado, ta den kontrol di nan presente, í lo ta den kontrol di nan futuro, e ora ei, di forma buníta, E ta komuniká Su kuído tierno pa Su pueblo (lesa Yer. 29: 11-14).

Les a Yeremias 29:11-14, bisa bo nòmber despues di e palabra boso, manera kos ku Dios ta hasi e promesanan akí na bo personalmente. Apliká e promesanan akí na bo mes den loke sea bo lucbanan presente por ta.

E Disiplina di Nos Tata

djaweps, 11-08-2022

Les a Hebreonan 12:5-13. Kiko ta e mensahe pa nos akinan, i kon e ta pas ku loke nos a bin ta studia e kuartal aki?

Den Hebreonan 12:5-13, Pablo ta deskribí prueba den konteksto di disiplina. Den e tradukshon di Beibel na Papiamentu Koriente di e pasashi akí, vários forma di e palabra disiplina ta aparesé mas o ménos dies biaha. Den mundu griego, e palabra akí tabata e palabra di mas básiko pa "edukashon". Asina, komprendé "disiplina" ta nifiká komprendé kon Dios ta eduká nos den e skol di fe ku Pablo a bin ta deskribí anteriormente den Hebreonan 11.

Den henter Hebreonan 11, Pablo a pinta kuadro di hònber i muhé di fe. Nan fe ta loke a mantené nan pa sigui padilanti ora nan tabata enfrentá tur sorto di situashon di prueba. Ora nos drenta kapítulo 12, Pablo ta bira na nos, e lesadónan, i ta bisa ku ya ku asina tantu hende promé ku nos a perseverá kontra kontroversia inkreibel, nos tambe por kore i terminá e bida di fe. E klave ta den fiha nos bista riba Hesus (Hebr. 12:2), pa E por ta un ehèmpel ora tempu ta difísil (Hebr. 12:3). Les a kapítulo 12 ta manera ora duna nos un di brel pa lesa. Sin e brel akí nos vishon òf komprendementu di difikultat semper lo ta vago. Pero mira den e brel akí lo koregí e splikashon trubel di sufrimentu ku nos kultura ta primi riba nos. E ora ei nos lo ta kapas pa komprendé klaramente i ta kapas pa respondé riba prueba di forma inteligente.

Les a den e "brel" di Hebreonan 12:1-13. Awor, konsentrá riba versíkulo 5-13 i kontestá e preguntanan aki:

Kua ta e fuente di disiplina?

Kua ta e fuente di disiplina?

Kua ta e fuente di disiplina?

Repasá Hebreonan 12:1-13 atrobe. Traha un lista di tur e motibunan ku bo por identifiká kuné komo base pa speransa. Kon bo a eksperensia e speransa aki den bo propio momentonan di "edukashon" spiritual?

Mas Estudio:

djabierne, 12-08-2022

Les Ellen G. White, "The School of the Hereafter", p. 301-309, den Education; "Help in Daily Living", p. 470, 471, den The Ministry of Healing.

"Den eksperensia di tur hende ta presentá momentonan di desapunto pisá i deskurashamentu total diana ora tristesa ta e porshon, i ta difísil pa kere ku Dios ainda ta e benefaktor amabel di Su yunan mortal; diana ora problema ta tormentá e alma, te ora morto parse mas preferibel ku bida. Ta e ora ei ku hopi ta pèrdè nan grep riba Dios i ta yega den e sklabilitut di duda, e koutiverio di inkredulidat. Si na momentonan

asina nos lo por a diserní ku persepshon spiritual, e nifikashon di Dios su providensianan, nos lo mester a mira angelnan ku ta tratando na salba nos for di nos mes, luchando pa plantía nos pia riba un fundeshi ku ta mas firme ku e serunan eterno, i fe nobo, bida nobo, lo asurgí den eksistensia."-Ellen G. White, Prophets and Kings, p. 162.

Pregunta pa Diskushon:

1. Ellen G. White ta bisa ku nos "tur" ta eksperensia momento di "desapunto pisá i deskurashamentu total". Kon bon nos ta tuma nota di otro segun ku nos ta pasa den momentonan asina? Kon nos por siña mihó pa ta agentenan di speransa un pa otro ora nos ta eksperensia desapunto asina amargo?
2. Komo klas, pasa riba boso kontestanan riba e último pregunta di djamars. Ki diferensia el a hasi den bo bida miéntras bo a yega di mantené e realidat di Dios su serkania bo dilanti?
3. Den klas, lesa sekshonnan den Job 38-41 na bos duru. Ki tipo di kuadro di Dios e ta presentá? Kiko bo ta siña ku ta duna bo speransa i ánimo? Kon Sabat ta pas den e kuadro aki? Kon e ta yuda tene e naturalesa i karakter di Dios nos dilanti?
4. Speransa ku ta transformá ta bin di shelu. Esaki ta nifiká ku nos por resa pa trese speransa den otro su bida. Pasa algun tempu ta resa pa esnan ku nan speransa a bin ta tambaliá resientemente, pa nan speransa por ta renobá. Mas ku esei, kiko bo por hasi pa otronan ku ta den un lucha ku nan ta perdiendo, pa nan haña speransa?
5. Si un hende ta dispuesto, pidi e persona ei pa kontá di un tempu ku desesperashon i prueba a pon'é pèrdè speransa i fe. Kiko a bira e persona ei bèk? Kiko nos por kompartí un ku otro ku por yuda ora nos ta den momentonan di duda i desesperashon?